

Sex um Sechs

Gestern abend, da komm i hoam
und sperr auf die Wohnungstür
Da liegt am Boden vorm Schuah-Regal
a Abschiedsbriaf vo ihr

Sie schreibt: Es war a scheene Zeit
und ihr hat's recht guad g'foin
I brauch ihr a die Mietkaution
ned auf ihr Konto zoin

Ciao Ciao, mach's guad, Pfia Gott, Baba
Bussi Bussi – Signatur
P.S.: Die Frag, warum sie geht
die kennt oa Antwort nur:

**Ja, sie woit Sex - um Sechs in der Fruah
Doch so fruah, da mecht i liaba mei Ruah
Da bin i wia a Bär – i drah mi hin und her
und deck mi ganz weit zua**

**Ja, sie woit Sex - um Sechs in der Fruah
Doch so fruah, da schoit i meistens auf stur
Guad, i gib zua: Sie hat a super Figur
Doch Sex um Sechs is ma z'fruah
Sex um Sechs is ma z'fruah**

Jed'n Wunsch hab i ihr erfüllt:
Hab diskutiert die ganze Nacht
meine Sock'n niamois verkehrt auszog'n
und im Sitz'n *Pipi* g'macht

Doch des hat ihr no ois ned g'langt
Sie woid die ganze Welt
Drum hab i ihr mei *MasterCard*
glei zur Verfügung g'stellt

Damit war sie dann rund um d'Uhr
beim *Shopp'n* nur auf Tour
Es war für sie der Luxus pur
Doch selbst des war ihr ned gnu

Weil sie woit Sex . . .

Letzt's Joahr war ma im Urlaub dann
drei Wocha auf *Mauritius*
Da plärrt s' am Strand vor die ganz'n Leit:
„Komm, hoi ma doch a Kokosnuss!“

Dann bin i auf der Palme g'hockt
und alle drunt hab'n g'lacht
So hat s' mi wieda moi so recht
zum Oberaffen g'macht

Dabei hab i sie jederzeit
guad behandelt, muass i sag'n
Nur oamoi hab i s' – kennt's ma's glaub'n
aus reiner Notwehr g'schlag'n:

Da woit sie Sex . . .

**Text und Musik:
Michael Bohlmann
02 / 2010**